

<><><><><><>

एह आकाशवाणी जम्मू ऐ, बड्डलै खबरें च तुंदा सुआगत, पैहले खास-खास खबरें कन्नै में नरेश शर्मा।

### **Headlines**

- 1.** विधानसभा चुनां दे दुए गेड़ तैहत कल 25 लक्ख 78 जहार कोला मते मतदाता 239एं मेदवारें दे भागें दा फैसला करगंन।
- 2.** केई सारे स्वीप प्रोग्रामें दे आयोजन राएं जम्मू दे मतदाताएं गी जागरूक कीता गेआ ऐ।
- 3.** प्रधानमंत्री नरेन्द्र मोदी होरें संयुक्त राष्ट्र महासभा च आखेआ ऐ जे डिजीटल सार्वजनिक ढांचा अडचन पैदा करने आला नेई सगुआं दुनिया गी जोड़ने आले पुल आले लेखा होना लोडचदा ऐ।
- 4.** मुख् सचिव होरें ऑनलाइन सेहत ऐप दी प्रगति दा जायजा लैता ऐ।

<><><><><><>

### **J&K Election**

जम्मू कश्मीर च दुए गेड़ दे विधानसभा चुनां लेई सब्बै तैआरियां मुकम्मल करी लैती गेदियां न। इस गेड़ तैहत कल 6 जिलें च फैली दिएं 26 विधानसभा सीटें लेई मतदान होग, इंदे च जम्मू प्रांतै दे रियासी, पुंछ ते राजौरी ते कश्मीर घाटी दे श्रीनगर, बडगाम ते गांदरबल शामिल न। इनें 26 विधानसभा सीटें पर 239 मेदवार चुनां लडै करदे न, जिदं सियासी भविक्ख दा फैसला 25 लक्ख 78 जहार मतदाताएं दे हत्थै च ऐ। इस गेड़ लेई चुनां प्रचार कल संजा खत्म होई गेआ हा।

<><><><><><>

### **SVEEP Jammu**

लम्मू विश्वविद्यालय च मतदाताएं गी जागरूक करने दे मकसद कन्नै स्वीप तैहत अभियान चलाया गेआ। एह कार्यक्रम जिला चुनां अधिकारी सचिन कुमार वैश्य हुंदी दिक्ख-रिक्ख च चलाया गेआ। उंदे इलावा होर दुए जिला अफसर बी उत्थें मजूद हे। इस दरान मतदाताएं गी जागरूक करने, वोट दे महत्व बारे जानकार बनाने लेई केई गतिविधियां चलाइयां गेइयां। पैहली अक्टूबर गी त्रीए गेड़ तैहत मतदान होना ऐ। इस दरान सूचना ते जन संपर्क मैहकमे आस्सेआ सांस्कृतिक गतिविधिएं दा बी आयोजन होआ। मगरा संजा अमर महल च बी स्वीप तैहत गतिविधिएं दा आयोजन कीता गेआ। इस कार्यक्रम दरान होर दूई गतिविधिएं दे अलावा गुड्डियां चाढ़ने आली गतिविधि बी होई। एहदा मकसद बद्ध थमां बद्ध मतदाताएं तगर अपनी पुज्ज बनाना हा।

<><><><><><>

## PM Modi

प्रधानमंत्री नरेन्द्र मोदी होरें आखेआ ऐ जे डिजीटल बुनियादी ढांचा अडचन पैदा करने आला नेई सगुआं दुनिया गी जोड़ने आले पुल आले लेखा होना लोड़चदा ऐ। प्रधानमंत्री होरें जंदी रातीं संयुक्त राष्ट्र महासभा च "समिट ऑफ द फ्यूचर" दे मौके पर बोलदे होई आखेआ जे कुल संसारी हितें लेई भारत अपना डिजीटल बुनियादी ढांचा सांझा करने लेई तैआ ऐ। मोदी होरें आखेआ जे तकनीक दे सुरक्षत ते जवाबदेही कन्नै इस्तेमाल लेई इक संतुलित नियामक सरिस्ता कायम करना जरूरी ऐ। उनें आखेआ जे दुनिया इक चेसा कुलसंसारी डिजीटल प्रशासन चांह्दी ऐ जेह्दे च संप्रीुता ते अखंडता पर कोई माड़ा असर नेई पवै। मोदी होरें आखेआ जे मनुक्खता दी कामयाबी इक जुट ताकत च ऐ ना के कुसै युद्ध भूमि च। मोदी होरें आखेआ जे इक पाससै आतंकवाद लगातार कुलसंसारी शांति ते सुरक्षा लेई खतरा बने दा ऐ। दूई बक्खी साइबर, समुंद्री ते अंतरिक्ष सुरक्षा पर खतरा नमें संकट दे तौर पर उभरा करदा ऐ।

<><><><><><>

## CEO Action

मुख्य चुनां दफतर आस्सेआ चुनां प्रचार च हिससा लैने आले 21एं सरकारी मलाजमें, अडॉक ते कैजुअल कम्मगारें खलाफ कारवाई शुरू करी दिक्ती गई ऐ। इआं जम्मू कश्मीर च होआ करदे असैबली चुनाएं च पारदर्शता गी जकीनी बनाए जाने लेई कीता गेआ ऐ। एह कारवाई नियमें दी खलाफवर्जी बारे थ्होई दी रिपोर्टें मगरा कीती गई।

<><><><><><>

## DEO Rajouri

आँदे विधानसभा चुनां दी तैआरिएं गी दिक्खदे होई जिला चुनां अधिकारी राजौरी अभिषेक शर्मा होरें इक बैठक लाइयै तैआरिएं दा जायजा लैता। इस दरान चुनां सरबंधी इंतजाम नियम कायदें दी पालमा, भारतीय चुनां आयोग आस्सेआ जारी दिशा-निर्देश गी जकीनी बनाने दा व्यापक जायजा लैता गेआ। इस दरान संवेदनशील इलाकें ते मतदाताएं दी सुरक्षा लेई व्यापक सुरक्षा योजना पर बी चर्चा होई। रिटर्निंग अफसरें गी हिदायत कीती गई ऐ जे ओह मतदान अमले दे अपनी अपनी तैह् थाहरें पर उठी जाने मगरा ओह फौरी तौर पर जिला नियंत्रण कक्ष दा दौरा लान। ईवीएम लेई जिम्मेदार नोडल अफसर गी हिदायत कीती गई ऐ जे ओह कुसै मशीन दे खराब होने पर उसी फौरी तौर पर बदलन। कुसै बी तकनीकी खराबी लेई इंजिनियरें गी बी रखेआ जा तां जे प्रक्रिया च कुसै चाल्ली दी रूकावट पेश नेई आवै।

<><><><><><>

## DEO Poonch

पुंछ दे जिला चुनां अधिकारी विकास कुंडल होरें इक बैठक लाइयै 25 सितम्बर गी यानि कल होने आले विधानसभा चुनाएं दे दुए गेड़ दे मतदान लेई तैआरिएं दा जायजा लैता। बैठक दरान रिटर्निंग अफसर होरें जिला चुनां अधिकारी होरें बी तैआरिएं बारे दस्सेआ दसाया। इस दरान चुनां अमले बश्कार नेड़मे तालमेल पर जोर पाया ते उंदी महत्ता गी बी उजागर कीता गेआ। जिला चुनां अधिकारी होरें मतदान आले दिन पूरी प्रक्रिया गी सूचारू ते रमानदारी आले ढंगै सिर करोआने पर जोर पाया। उनें रिटर्निंग

अफसरें ते सेक्टर मैजीस्ट्रेट गी हिदायत कीते जे ओह मतदान थमां पैहले मतदान केन्द्रें दा दौरा लान ते तैआरिणं दा जायजा लैन। उनें जरूरी सुविधाएं जियां रेंपस, पीने आला पानी, सीसीटीवी बगैरा दी दस्तेयाबी जकीनी बनाने दे निर्देश दित्ते।

<><><><><><>

### Chief Secretary Health

मुख्य सचिव अटल डुल्लू होरें कल सेहत सरबंधी मैहकमे दे अधिकारिणं कन्नै लग्गी दी मीटिंग दी प्रधानता कीती। इस दरान बगैर अडचन दे सेहत सहूलतां उपलब्ध कराने लेई तैआर कीती जा करदी ऑनलाइन सेहत ऐप दी प्रगति दा जायजा लैता गेआ। मुख्य सचिव होरें सेवा लेने आले ते सेवा उपलब्ध कराने आले दौनें लेई सेहत ऐप गी होर मता व्यापक बनाने पर जोर पाया। इस ऐप राएं सेहत सरबंधी सहूलत केन्द्रें, दुआइणं आले स्टोरें मरीज दे डाक्टरें गी दस्सने दा समें, इमरजेंसी सेवाएं बारे जानकारी दित्ती जाग।

<><><><><><>

### Chief Secretary

मुख्य सचिव अटल डुल्लू होरें कल राईबाई सरबंधी पैदावार मुत्तलक मैहकमे दे अधिकारिणं कन्नै लग्गी दी इक बैठक दी अध्यक्षता कीती। इस दरान राईबाई ते एहदे कन्नै जुड़े दे क्षेत्रें मुत्तलक परियोजना च व्यापक सुधारें गी अमल च आनने बारे जायजा लैता गेआ। मुख्य सचिव होरें जम्मू कश्मीर च राईबाई दे विकास लेई योजना गी लागू करने ते एहदे नतीजे सरबंधी बक्ख-बक्ख पैहलुएं बारे जानकारी लैती। मुख्य सचिव होरें सखेतरुणं गी सिखलाई देने, कोर्स लेई पाठ्यक्रम तैआर करने ते एहदे मगरा खरे नतीजे लेई करसानें गी सिखलाई देने पर जोर पाया।

<><><><><><>

### DEO Kathua

कडुआ दे जिला चुनां अधिकारी डॉ. राकेश मिन्हास होरें कल सेक्टर मैजीस्ट्रेट ते पुल मैजीस्ट्रेट कन्नै बसोहली च बैठक लाई। इस दरान आँदे चुनाएं दी तैआरिणं दा जायजा लैता गेआ। बैठक च आदर्श आचार संहिता दी पालमा जकीनी बनाने पर जोर पाया गेआ। कन्नू बवस्था बनाई रखने ते चुनां ते कन्नू नाफिज करोआने आले अमले बश्कार बेहतर तालमेल पर बी बल दित्ता गेआ। जिला चुनां अधिकारी होरें मतदान केन्द्रें दे सेई चाल्ली प्रबंधन, ईवीएम गी लेई जाने लोडचदा अमला तैनात करने लेई बी हिदायतां जारी कीतियां तां जे सूचारू ढंगे सिर चुनां प्रक्रिया गी मुकम्मल कीता जाई सकै। बैठक दरान लोडचदी सरबंधी सिखलाई ते संवेदनशील मतदान केन्द्रें दी दिक्ख-रिक्ख लेई लोडचदी मदाद पर बी चर्चा होई।

<><><><><><>

### Congress BJP Rally

केन्द्री मंत्री डॉ. जितेन्द्र सिंह होरें विरोधी धड़ें पर हमला बोलदे होई कल आखेआ ऐ जे बीजेपी जम्मू कश्मीर च कदें बी बंड पोआने आली सिआसत गी परतियै जिंदा करने दी इजाजत नेई देग। डॉ. सिंह बनी असैबली हल्के च इक जनसभा च भाषण दिंदे होई आखेआ जे बनी च हिंदू ते मुसलमाल किट्ठे भाईचारे कन्नै रोंहदे न ते एह रलीमिली दी संस्कृति दी इक मिसाल ऐ। तोआई कांग्रेस दे लीडर राहुल गांधी होरें कल श्रीनगर च इक रैली च भाषण दित्ता।

<><><><><><>

## Udhampur Taining

विधानसभा चुनाव गी रमानदारी ते सुचारू ढंगे सिर करोआने लेई उधमपुर दे जिला चुनाव सैल आस्सेआ मतदान अमले गी घरे थमां वोट पोआने ते डाक राएं मतदान आली सेवा बारे सिखलाई देने लेई कार्यक्रम दा सरिस्ता कीता गेआ। एह सिखलाई उधमपुर दियां जिला चुनाव अधिकारी सलोनी राय हुंदी दिक्ख-रिक्ख च होई। एह सिखलाई प्रोग्राम उधमपुर दे डीसी दफतर परिसर दे कांफ्रेंस हाल च होआ। एहदा मुख्य मकसद बर्जुग नागरिकें ते दिव्यांग लोकें दी चुनाव प्रक्रिया च शमूलियत जकीनी बनाना ऐ। इस सुविधा राएं एह लोक बी वोअ पाने दे अपने अधिकार दा इस्तेमाल करी सकदे न। जिला चुनाव अधिकारी होरें अमले गी सिखलाई दे महत्व बारे दस्सेआ। उनें सारे सरबंधी अमले गी इस मौके दा बद्धोबद्ध लाह ठोआने लेई गलाया। उनें अमले गी आखेआ जे ओह अपनी ड्यूटी गी पूरी तनदेही कनै करन। उनें आखेआ जे औंदे चुनाव गी आजाद, निरपक्ख ते पारदर्शी ढंगे सिर करोआने लेई अमले दी अहम भूमका ऐ।

<><><><><><>

## JMC

जम्मू म्यूनिसिपल कारपोरेशन दी दिक्ख रिक्ख च डेंगू ते विगनगुनिया थमां बचाह लेई मच्छरें गी मारने लेई दूआं दोड़ने आली मुहिम चलाई गई ऐ। एह प्रक्रिया सेइ इलाकें च खास तौर पर चलाई गई जित्थें डेंगू जां विगनगुनिया दा इक मामला बी सामने आए दा ऐ। इसगी जम्मू दे सेहत सेवा सरबंधी निदेशालय ते जेएमसी आस्सेआ सांझे तोर पर चलाया गेआ। 4 टीमां लाइयां गेइयां। डेंगू दे नमें मामले पर काबू पाई लैता गेआ ऐ ते हर संभव जतन कीते जा'रदे न। लोकें गी जेकर कोई सरबंधी परेशानी पेश औंदी ऐ तां ओह 104 हैलपलाइन पर राबता करी सकदे न।

<><><><><><>